

INUIT ATAQATIGIIT

INATSISARTUNI



UKA 2022/109.1 + 141

4. oktober 2022

Asii Chemnitz Narup

**Soraarnerussutisiaqalernissamut aaqqissuussinermut
peqataasussaatitaaneq pillugu Inatsisartut inatsisaata
allanngortinneqarnera pillugu Inatsisartut inatsisaat nr. Xx, xx.xxx
2022-meersoq.**

(Aningaasaqarnermut Naligiissitaanermullu Naalakkersuisoq)

aamma

**Soraarnerussutisiaqarnissamut aaqqissuussinermut pinngitsoorani
ilaanissaq pillugu Inatsisartut inatsisaata nr. 21, 28. november 2016-
imeersup atorunnaarsinnejarnissaa pillugu siunnersummik,
kingusinnerpaamik UKA2023-mi, saqqummiussinissamut
Naalakkersuisut peqquneqarnissaannik Inatsisartut
aalajangaaffigisassaattut siunnersuut.**

(Pele Broberg, Naleraq)

Oqaaseqartartup saqqummiinera

Soraarnerussutisiaqalernissamut aaqqissuussinermut peqataasussaatitaaneq
pillugu Inatsisartut inatsisaanut atuuuttumut allannguutissatut siunnersut
Naalakkersuisut saqqummiuppaat.

INUIT ATAQATIGIIT

INATSISARTUNI



Inuit Ataqatigiit sinnerlugit maannangaaq nalunaarutigissavara soraarnerussutisiaqalernissamut kikkut tamarmik ileqqaarnissaannik isumaq aalajangiusimagipput. Kisiannili soraarnerussutisiassanut akiliutit sulinermi akissarsianut naleqqunnissaat inatsisiliortutut qulakkiigassaraarput.

Taamaammat aningaasanut inatsisip siorna isumaqatiginninniutigineqarneranut atatillugu inatsisip aaqqinnejarnissaanik pisariaqartitsisoqarnera Partiit isumaqatigiissutigaat, taamaailuni innuttaasut isertitakinnerpaat naleqqutinngitsumik artukkernerarunnaarnaarsillugit.

Allannguutissat ullumikkut saqqummiunneqartut partiit aningaasanut inatsimmik isumaqatigiissuteqarnerisa kinguneraa.

Naalakkersuisut siunnersuutinut saqqummiunneqartunut qujanaq. Taakku Inuit Ataqatigit naliliinerat naapertorlugu siorna aningaasanut inatsisip isumaqatigiissutigineqarnerani kissaatnik piumasaqaatinillu eqqortitsineruvoq.

Aamma soraarnerussutisiaqalernissamut aaqqissuussinermut peqataasussaatitaaneq pillugu inatsisip atorunnaarsinneqarnissaa pillugu Partii Naleqqap siunnersuutaa oqallisigisussaavarput. Oqaaseqaatitta naalernerani oqaaseqarfigissavarput.

.....

Utoqqartatsinnut ullumikkut utoqqalinersiuteqartitsivugut. . Utoqqaat minnerpaamik isertitaqarnissaannik qulakkeerinnissutaasoq. Soraarnerussutisiassanut ileqqaartussaatitaaneq eqqarsaataavoq aningaasatigut toqqisisimanermut qulakkeerinnissutaassoq soraarnertullu

INUIT ATAQATIGIIT

INATSISARTUNI



inuunermi atugassarisat sulinermut naleqqiullugit naamaginartnissaannik. Nammeneq ileqqaalernissaq inuit ataasiakkaat soqtigisaraat.

Taamaammat siorna aningaasanut inatsit pillugu isumaqatigiissut partiit allat pingasut peqatigalugit nuannaarutigisatsinnik atsiorparput.

Soraarnerussutisiassanut ileqqaartussaatitaaneq pillugu immikkoortumi titarnerit pingasut kingulliit imatut oqaaseqartaqarput:

"Soraarnerussutisiaqalernissamut ileqqaarutit suli utoqqalinersiaqartunut tamanut toqqisisimamanermik pilersitsisussaapput, aammalu tassunga atatillugu pingaaruteqarpoq kinguuariit uagut kingulissatsinnut naapertuilluanngitsumik nammatassiinnginnissarput."

Innuttaasut utoqqaat amerliartorput. Tamanna nuannaarutissaavoq.

Nunatsinni utoqqalinermut ilisarnaatit tassaasaapput inuunerup qaffasissumik pitsaassuseqarnera toqqisisimamanartuuneralu, aamma aningaasaqarnermi. Taamaamat utoqqartatta inuunermi atugassarisaasa pitsanngortinnissaannut alloriarnissat tulliuttut qilanaaraagut.

Innuttaasut katitigaarnerisa allanngornera nunatsinni aningaasaqarnermi annertuunik unammiligassaqartitsilerpoq.

Siunissami atugarissaarnissamut aamma akissaqarnissarput Inuit Ataqatigiinnut naleqartitat pingaarnersaraat- Tamanna aningaasalersuineremi annertuunik unammiligassaqartitsivoq. Tamanna KIVITSEQATIGIINNIKKUT pisariaqarpoq.

Soraarnerussutisiassanut ileqqaartussaatitaanerup pisortat nappanneqarnissaamik aningaasaqarnissaat taperserpaa

INUIT ATAQATIGIIT

INATSISARTUNI



Allannguutissatut siunnersuutinut oqaaseqaatit nalinginnaasut

Inuit Ataqatigiit malugineqartariaqarsorivarput soraarnerussutisiassanut ileeqqaartussaatitaaneq - aallarnisaanermi allaffissornikkut ajornartorsiuteqaraluartoq inunnnullu appasinnerpaamik isertitaqartunut kingunerisa aaqqinnissaat pisariaqaraluartoq - pisortat aamma piffissami sivisumi attanneqarsinnaasumik aningaasaqarnissaannik tapersiinissaq peqatigitillugulu siunissami soraarninngortusat inuunnermi atugaasa pitsanngortinnissaat pillugit siunertamik eqqortitsisoq (inatsisissatut siunnersummut nassuiaatini nalinginnaasuni atuarneqarsinnaavoq).

Allannguutissatut siunnersuutinut oqaaseqaatit nalinginnaasut paassisutissamik soqutiginartumik alamik imaqarput: utoqqalinersiaqartut 67-it 71-illu akornanni ukoqartut qanoq amerlatigisut 2020-mi ilassutaasumik inuussutissarsiornermi isertitaqarsimanersut.

Paasinarsivoq 63 %-iusut.

Utoqqalinersiaqartut 63 %-ii piumassuseqarneq tunngavigalugu sulisimanersut imaluunniit aningaasaqarnermi ajorsaateqarnertik pissutigalugu sulisimanersut akissutissaq amigaatigaarput.

Utoqqalinersiallit utoqqalinersianik naammattusaariniaannaavillutik sulisariaqalerarnerat akuerineqarsinnaanngilaq.

Utoqqalinersiallit amerlangaatsiartut saniatigut sulisarnerannut pissutit tunuliaqutaasut akissutissarsiniarlugit Naalakkersuisut qanoq iliulersaarpal?

Aamma soraarnerussutisiaqalernissamut aaqqissuussinermut peqataasussaatitaaneq pillugu inatsisip atorunnaarsinnejqarnissaa pillugu Partii Naleqqap siunnersuutaa oqallisigisussaavarput.

INUIT ATAQATIGIIT

INATSISARTUNI



Soraarnerussutisiaqalernissamut aaqqisuussinermut peqataasussaatitaaneq pillugu inatsisip atorunnaarsinnejarnissaanik Parti Naleqqap siunnersuutaa Inuit Ataqatigiit tapersinngilaat.

Isumaqpugut soraarnerussutisiaqalernissamut ileqqaartussaatitaaneq siunissami utoqqalinersiaqalertussat utoqqalinersiatik ilaniarlugit sulisariaqalernermik misiginngiinnissaasa qulakkeernissaanut sakkussatsialaasoq.

Inuit Ataqatigiit - siorna aningaasanut inatsisissap isumaqatiginiutigineqarnerani – malittarisassat sakkukillisinnaasa qulakkeerneqarnera pillugu Parti Naleraq qutsavigaat, taamaalilluni innuttaasut isertitakinnerpaat soraarnerussutisiassanut akiliutaat maannakkut iliuuseqarfingineqarput.

Taamatut oqaaseqarluta allannguutissatut siunnersuutit Aningaasaqarnermut Akileraartarnermullu Ataatsimiititaliamut suliareqqitassangortippagut.